

«Қазақстан – менің алтын бесігім» республикалық балалар фестивалін өткізу ережелері

1-тарау. Жалпы ережелер

1. Жетім балалар мен ата-анасының қамқорлығынсыз қалған балаларға арналған ұйымдардың тәрбиеленушілері арасында «Қазақстан – менің алтын бесігім» республикалық балалар фестивалін (бұдан әрі – Фестиваль) өткізу ережесі оның мақсатын, міндеттерін, өткізу және қаржыландыру тәртібін айқындайды.

2. Фестивальдің мақсаты: жетім балалар мен ата-анасының қамқорлығынсыз қалған балалардың шығармашылық әлеуетін ашу үшін ашық кеңістік құру, қазақстандық қоғамның дәстүрлі мәдени, рухани және адамгершілік құндылықтарына негізделген азаматтық жауапкершілікті қалыптастыруға табыс жағдайын жасау.

3. Фестивальдің міндеттері:

1) жетім балалар мен ата-анасының қамқорлығынсыз қалған балалардың өз халқының этномәдениетін зерделеуге қажеттіліктерін дамыту, белсенді шығармашылық қызметке тарту, оларды әлеуметтендіру;

2) халық шығармашылығы саласындағы мәдени дәстүрлердің сабақтастығын сақтау;

3) балалардың, педагогтердің, қоғамның бірлескен қарым-қатынасының толерантты дағдылары мен іскерліктерін қалыптастыру;

4) қоғамды, БАҚ, телевидениены жетім балалардың және ата-анасының қамқорлығынсыз қалған балалардың өздерін таныту және өзін өзі іске асыру құралы ретінде назарын аудару;

5) ұлттық мәдениетті насихаттайтын шығармашыл ұжымдарды және жеке орындаушыларды анықтау, қолдау;

6) жетім балалардың және ата-анасының қамқорлығынсыз қалған балалардың бойында отансүйгіштік қасиетті, ұлттық мәдениетке, халық дәстүрлеріне деген құрметті және ұқыпты қарым-қатынасты тәрбиелеу;

7) шығармашылық жұмыспен айналысатын педагогтерді ақпараттық қолдау, ұжым арасындағы шығармашылық байланыстарды кеңейту және білім беру ұйымдары педагогтерімен тәжірибе алмасу.

4. Ұйымдастырушылар әділқазылар алқасы, ұйымдастыру комитетінің құрамын қалыптастырады.

2-тарау. Фестивальді өткізу мерзімі және орны

4. Фестиваль **2020 жылғы 29 ақпан мен 1 наурыз аралығында өткізіледі (қатысушылардың елу күні: 28.02; қайту күні: 02.03)**

5. Фестивальға қатысу үшін облыстар, Нұр-Сұлтан, Алматы және Шымкент қалалары білім басқармалары басшыларының қолы қойылған өтінімдер (1-қосымша) ұйымдастырушыларға **2020 жылғы 31 қаңтарға дейін** ұсынылады.

6. Өтінімге:

1) фестивальға қатысу үшін фестивальдің облыстық, Нұр-Сұлтан, Алматы және Шымкент қалалық кезеңдерінің жеңімпаздарын жіберу туралы білім басқармасы басшысы бұйрығының көшірмесі;

2) қатысушылар туралы мәліметтер (Т.А.Ж., туған жылы, сыныбы, оқу орны және білім беру ұйымының мекен-жайы, телефоны, номинация, жұмыстың аталуы, топ жетекшісінің Т.А.Ж., жұмыс орны, лауазымы, ұялы телефондары);

3) қатысушылар мен топ жетекшісінің жеке басын куәландыратын құжаттардың көшірмелері;

4) бағдарламасы қоса тіркеледі.

3-тарау. Фестивальға қатысушылар

7. Фестивальға 10-17 жастағы (18 жасқа дейін) білім беру ұйымдарының оқушылары – фестивальдің облыстық, Нұр-Сұлтан, Алматы және Шымкент қалалық кезеңдерінің жеңімпаздары қатысады.

Қатысушылардың жасы 2020 жылғы ақпанның 28-29-на анықталады.

8. Қатысушылардың жалпы саны – **170 адам: әр өңірден – 8 бала, 1 жетекші, 1 медицина қызметкері.**

9. Фестиваль өтетін жерге баратын жолда, іс-шараны өткізу кезінде және тұрғылықты жеріне қайтар жолда балалардың өмірі мен денсаулығының қауіпсіздігі үшін жауапкершілік анықталған топ жетекшілері мен медицина қызметкерлеріне жүктеледі.

10. Топ жетекшілерінде мынадай құжаттар болуы тиіс:

1) білім басқармасы басшысының облыстық, Нұр-Сұлтан, Алматы және Шымкент қалалық фестиваль кезеңдерінің қорытындысы бойынша жеңімпаздр мен топ жетекшілерін фестивальға жіберу туралы бұйрықтың көшірмесі;

2) қатысушылар туралы мәліметтер (ТАЖ, туған жылы, сыныбы, оқу орны және білім беру ұйымының мекен-жайы, телефоны, номинациясы, топ жетекшісінің және медицина қызметкерінің ТАЖ, жұмыс орны, лауазымы, ұялы телефоны);

3) жеке басын куәландыратын құжаттардың көшірмелері (куәлік (паспорт) немесе туу туралы куәлік);

4) дәрігердің қолымен және мөрімен расталған қатысушының денсаулық жағдайы туралы анықтама.

11. Облыстың, Нұр-Сұлтан, Алматы және Шымкент қалаларының әрбір делегациясында қойылымға арналған костюмдер, шағын дискідегі, флеш-жинақтауыштардағы фонограммалар (минус) болуы қажет; киімнің ерекше элементтері: галстук, кепка, бас киім, төсбелгі, сондай-ақ жеке гигиена заттары.

4-тарау. Фестивальді өткізу шарттары мен тәртібі

12. Фестиваль екі кезеңде өткізіледі: 1) бірінші кезең (іріктеу) - өңірлік: білім беру ұйымының ішінде, аудандық (қалалық), облыстық, Нұр-Сұлтан, Алматы және Шымкент қалалары. 2) екінші кезең (қорытынды) – республикалық Фестиваль.

13. Фестивальдің бірінші (іріктеу) кезеңін өткізу мерзімдері облыстардың, Нұр-Сұлтан, Алматы және Шымкент қалаларының аудандық (қалалық) білім бөлімдері мен басқармалары басшыларының бұйрықтарымен анықталады.

14. Фестиваль келесі бағыттар бойынша өткізіледі.

«Татулықтың тұтқасы - бірліктің бесігі» халық билері байқауы.

Бұл номинацияда әртүрлі ұлттар мен этностардың билері, стиль, техника мен музыкаға түрлі әлем халықтарының билері ұсынылады.

Сипаттамасы: кәсіби орындау деңгейін, экспрессивтілігін, халықтың атмосферасы мен дәстүрлерін көрсетуге мүмкіндік беретін би композициясы. Би таза түрде немесе стильдер комбинациясы ретінде орындалуы және театр элементтерін қамтуы мүмкін. Орындалу ұзақтығы - 3 минутқа дейін. Қатысушылар 2 би орындайды, олардың жалпы ұзақтығы 7 минуттан аспауы тиіс.

Өнер көрсету реті – жеребе тастау арқылы анықталады. Фестиваль жеңімпаздарын анықтау кезінде қатысушылардың жасы шешуші рөл атқармайды.

15. Қойылымдарды бағалау өлшемшарттары: көрінісі (халыққа эмоциялық әсері), тұжырымдаманың, оқиғаның, идеяның немесе тақырыптың ерекшелігі және креативтілігі, костюмдердің, гримнің және реквизиттердің жалпы идеясына сәйкестігі, визуалды эффектілерді қолдануы, тұжырымдама, музыка және хореография арасындағы үйлесімділікті сақтауы, орындау техникасы.

16. **«Жүрек жылуы» вокалистер байқауы.** Вокалистер байқауы (соло, дуэт, трио) келесі жас санаттары бойынша өткізіледі:

кіші топ – 10-13 жас;

орта топ – 14-17 жас.

Қатысушылардың жасы 2020 жылғы ақпанның 28-29-на анықталады.

Вокалистердің өнер көрсету бағдарламаларына 2 шығарма енгізілуі тиіс: біріншісі – қазақстандық автордың шығармасы, екіншісі – кез келген автордың туындысы.

Қатысушылар шығармаларды «минус» фонограммаларының сүйемелдеуімен орындайды, олардың біреуі қазақ тілінде, екіншісі – Қазақстан Республикасының аумағында тұратын этнос тілінде.

17. Өнер көрсетуді бағалау өлшемшарттары: вокалдық-музыкалық қабілеттері (дауысы жақсы, таза екіпіндеуі, ритм сезімі, дикциясының жақсы болуы), шығарманы көркемдік түрлендіру, сахналық бейнесі (нөмір қойылымының әннің мазмұнына сәйкестігі), ерекшелік және креативтік деңгейі.

18. **«Ризамын халқыма!» музыкалық-театрландырылған қойылымдар байқауы.** Аталған номинацияда музыкалық, драмалық, хореографиялық және опера өнерін, ұлттық, этнографиялық, заманауи билердің, классикалық балеттің және т.б. элементтерін қамтитын мюзикл ұсынылады).

Қатысатын ұжымдар 15 минуттан аспайтын театрландырылған қойылымды ұсынуы қажет. Барлық қажетті декорациялар мен реквизиттерді қатысушы ұжым өзімен бірге алып келеді және оларды құрастыру мен бөлшектеуді өз бетінше қамтамасыз етеді.

19. Байқау жұмыстарын бағалау өлшемшарттары: жұмыстың номинация тақырыбына сәйкестігі, көркем безендіру (музыка, костюм, реквизит), бейнелі мәнерлілік, композициялық шешім (нөмір драматургиясы, бидің «суреті»), орындау техникасы (хореографиялық лексика, жасына сәйкестігі), актерлік шеберлік (сахна тілі, сахна қимылдарының элементтері), хореография (классикалық, ерекше, сахналық, модерн би), вокал (академиялық, эстрадалық, джаз), шығарманы көркемдік түрлендіру, ерекшелік және креативтілік деңгейі, музыка мен бидің үйлесімділігін сақтау.

20. Байқау жұмыстарын 10 балдық шкала бойынша байқаудың өлшемшарттарына сәйкес кәсіби қазылар алқасы бағалайды. Қазылар алқасының шешімі хаттамамен ресімделеді.

5 тарау. Фестиваль қатысушыларын марапаттау

21. Фестиваль жеңімпаздары Гран-при, I, II, III дәрежелі дипломдармен және бағалы сыйлықтармен марапатталады. Фестивальдің барлық қатысушыларына сертификаттар беріледі.

Сондай-ақ келесі номинациялар бойынша дипломдармен және сыйлықтармен марапатталады: «Үздік халық биі», «Үздік композициялық қойылым», «Үздік би этюдi»; «Ең тартымды қатысушы», «Ең жарық Жұлдыз», «Ең үздік қазақ халқының фольклоры»; «Бейнені үздік актерлік түрлендіру», «Үздік әйел рөлі», «Үздік ер адамның рөлі», «Үздік екінші пландағы рөл», «Көркем сөз», «Үздік орындаушылық шеберлік», «Жас орындаушы», «Үміт беруші».

Фестиваль жеңімпаздарын дайындаған педагогтерге алғыс хаттар тапсырылады немесе жіберіледі.